



YMA kumpuan atan 'Ram leh hnam humhalh' rawt.

Chanmari West, August 21: Ni 18.8.2011 (Ninga) zan khan Branch YMA Committee Meeting Vawi -10 na chu Pu Lalrinlian In (K- Section) ah President Pu T.ngurkhuma kaihhruaina in neih a ni a, YMA kumpuan atan kumin Gen. Conference ah 'Ram leh hnam hunhalh' tih chu CYMA committee ah thlen nise tih rel a ni.

Thurel Tlangpuite:-

1. Ni 25-27.10.2011 a YMA General Conference Kolasib-a neih turah kan Branch atangin Special Items leh Nomination neih loh mai nise tih rel a ni. Kumpuan leh Agenda atan heng te hi thawh nise :-

(a) Kumpuan: Ram leh Hnam Humhalh
(b) Agenda : YMA pem lehkha siam nilo pem lehkha hmang an la awm reng hi khawi Branch mahin pawm loh ni rawh se.

2. RD Department atanga kan vengchhung Step checker tile phah te rawng hnawihna tur sum hetiang hian hmuh a ni.

(a) Indoor Stadium bul I - ` 25,200
(b) Indoor Stadium bul II - ` 25,200
(c) Thlanmual (Park) - ` 28,000

TOTAL ` 78,400

Tin, Estimate atang hian ` 55,000/- lak chhuah tawh a ni a, a bak hi chu hnathawh zawh a lakchhuah tur a ni.

3. Ni 13&14 October 2011 10th CM Running Trophy In YMA Cultural Dance Competition Centarl YMA-in A.R Lammual-a heng Cheraw(Kan tluang), Chai leh Chawnglaizawn lam hmanga an buatsaih turah kan Branch YMA pawh tel ve nise tiin a rel a, Branch OB ten a tul angin hma lo la se tih a ni.

4. Property Sub Committee ten an member atana Pu C. Vanlalsanga V- Section leh Pu Lalngaihawma T- Section an ruat chu pawmpui an ni. Tin, Branch YMA bungrua a kawl tura ruat nilo kawl an awm chuan YMA buka dah chho tura tih an ni bawk.

5. N-Section ten Edenthal depa Chanmari West huanchhung In engemaw zat House Number nei lo te, House Number pek chung chang an rawn tleng chu zir chian deuh ngai a nih avangin zirchian hnua a tul anga hmalak nise tih a ni.

CHHIATNL FUND LUH DAN (w.e.f 18.8.2011)

Section	Target	Lut tawh	La lut lo	Khumna
K	44400	46400	Nil	2000
N	32000	33500	Nil	1500
V	47800	51200	Nil	3400
CH	41500	40200	1300	-
T	58000	51700	6300	-

HEALTH CARE SCHEME CHUNGCHANG

Ni 22.8.2011(Thawhtan) atang hian Chanmari West Sub- Centre-ah Health Care Scheme enrolment tan a ni dawn a, hetiang hi a kal hmang a ni:-

- ` 1,00,000/- chin Bill duh tan ` 500/- ken tur.
- ` 2,00,000/- chin Bill duh tan ` 750/- ken tur.
- ` 3,00,000/- chin Bill duh tan ` 1000/- ken tur.

Hei hian chhungkua-ah member panga (5) chin a huam. Enrolment ti nghal duh tan chhungkaw hotu (Pa ber) Voter ID Card leh Ration Card ken tur a ni. Tin, House Number leh Phone No. hriat tur a ni bawk e. A dan leh dun hre chiang duh tan Sub Centre-ah a bu chhiar tur a awm e.



Kar kalta Ninga zan khan Branch Executive meeting pawimawh tak neih a ni.



Organising Committee in a lorel tawh 'Branch YMA Sport a Items hrang hranga tel tur te chu CWBYMA member dik tak, kumin 2011 member lak list thehluh a awm ngei an ni tur a ni' tih chu Branch Committee chuan khauh taka kaltlangpui nise tih a rel.



Ni 19.8.2011(Zirtawp) chawhnu khan Chanmari West High School ah kumpuan bawhzuina neih a ni.



Pu Lalzawma 'N' Section ten an nau Tv Lalhmacchuana(Maitawka) Ni 13.8.2011 a boralin,khuang vuakna a lo siam lawk chu, Section hrang hrangte 6 theuh an rawn pe chu an chungah lawmthu sawi a ni.



Kumpuan Sub-Committee Vice.Chef.Pu C.Lalmuanpuia ten Ni 18.8.2011 khan fapa duhawm tak an nei thar chu kan lawmpui hle.



Zawlbuk sak hna chhunzawm zel a ni a.A sakna tur thawhlawm khawn tur pawh tlawmngaia lo pe hram hram turin chhung tinte kan in gen e.

PEM LUT

Heng mite hi kan vengchhungah an rawn pem lut a,khua leh tui tha tak an nih kan beisei.

1. Pi Sanghmingthangi te chhungkua Hunthar atangin Pu Thangkhuma 'N' Section te In ah

2. Pu Lalramliana te chhungkua Hunthar atangin Pu Thangkhuma 'N' Section te In ah.

3. Tv LS Lalruatsanga Muallianpu South atangin Pu C.Lalrinliana 'N' Section te In ah.



TUN KAR CHANGVAWN

Thinrim ula, sual erawh chu sual suh u; in thinur chu niin tlakpui suh se; Diabola chu hmun kian hek suh u.

Ephesi 4:26-27.

Editorial Board**Editor**

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135
Pu Vanlalhluta
9862366308

Tv. Vanlalfawna
9856301975

Cir.Manager

Johny Lalthanpuia
9612359161
Jacob Lalrinsanga
9612319779

Production Manager

R.Lahmachhuana
9436151817

Branch Office Bearer

President
T.Ngurkhuma
9436190843

Vice President
R.Lahmachhuana
9436151817

Secretary
RL.Thanhnuna
9436152760

Asst. Secretary
K.Darthantluanga
9436196071

Treasurer
C.Lalzarliana
9436142049

Fin.Secretary
Lalthuamluua
9612216649

Advisers
Pi Zamanthangi
Pu Vanlalsawma
Pu Rothuama
Pu Lalbiakthanga
Khiangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

Editorial : Tunlaiin Aizawl veng thenkhatah hmeichhe incheina chungchangah kan hmeichhia te 'Puanbih ni' hun an hmang thin a. He thil hi thil tha leh zawngchhangtlak tak pawh a niin a rinawm. Kan hriat theuh angin khawlai leh hnathawhna hrang hrangah Western culture kan ti dawn nge Korean fashion zawk, nasa takin kan seng lut zut zut mai a. A tha lo chu kan tih theih a ni lo a, marawhchu a uchuak lutuk a kan kalpui thin hi chu a mawilo lek lek thin a ni. Kan inchei duhdan hian kan rilru a tilang an tih fo mai te pawh hi kan hre ta lo emaw ni chu aw a tih theih. Hmeichhe tam ak hi chu kan phak tawk aliamma inchei kan tam mai. A feng chhing leh ha tide ber nih tum ang zia zang hian kan taksa nen a inmil em tih pawh ngaihtuah lo leh kan mawi pui em tih ngaihtuah lem lo hian kan then ve lawp lawp thin hi chu a mawi lemlo khawp mai. Nu leh pate pawhin heng kawngah hian kan fate enzui ila, mi mit tikhamtu an nih loh hram na turin theih chin chinah kan hnam incheina hi uar thar leh turin zirtir nisea tha khawp ang. Kan phak tawk leh mil tawka incheiin, mi mit tikham tur hi chuan inchei loh hram i tum theuh ang u. Mizo hnam a boral loh nana kawng pawimawh tak a nihna chen pawh thui takin a hril awm e.

Article : League nung English Premier- Bundesliga khaikhinna

- T-a

Khawvelah football league tam tak a awm a, chung zingah chuan English Premier League leh German Bundesliga-te hi tun dinhmunah a nung thanh hma pawh a sawn; chutih laiin UEFA ranking-a sang ber chu Spanish La Liga a ni.

Premier League leh Bundesliga hi mipui ngah an ni a, chawhruala season khat chhunga a hmuna entu ngah ve ve niin, khawvel football league-a kum khat chhunga sum hui hnem ve ve an ni bawk. Mahse, league pahnih hi kalphung danglam hlak nei an ni a, European club inelnaah English club liante an hlawhtlin em em laiin, tun kum 10 chhungin German club zingah European title la thei an awm lo. hutih laiin English club lianten leiba an ngah a, German club liante erawh suma ngelnguet tha leh leiba nei lo deuh vek an ni thung.

Premier League-ah a duh duhin club an nei thei a, mi hausain sumdawnna leh intihlar nan club lian an lei. Germany-ah hnam dang club pakhat mah a awm ve lo va, an club zawng zawng fan-te ta vek a ni.

English leh German league hian harsatna lian tak pakhat ve ve a nei a, Premier League-ah chuan club lianten leiba an ngah lutuk an buaipui. Tunah hian United-in pound maktaduai 515 vel ba an nei a, hei hi German league-a first leh second division club 36-te leibat belhkhwam aiin a la tam zawk hial ang.

Premier League-ah player tha an lut tam zel a, television atanga entu an tam zel a, season khat chhunga club-te sum hmuh belhkhwam pawh pound maktaduai 2,000 a tling tawh. Sum la luu hnem ber dawttu Bundesliga hui luu let aiin a tam. Mahse, Premier League club-ten la lut teuh teuh mah se, an hman ral a tam zawk a, club 20 zingah season khat chhunga sum hlooh lo pathum vel chauh an awm.

Bundesliga-ah chuan an lak luu atangin 30% vel an hlep thei a, German league hi kalphung tha ber anga sawi a ni a, mahse, league lian dang an el phak loh avangin an an kalphung sawisel pawl an awm ve tho va, player tha an lak luu theih loh bakah hlawhah club nawlpuiin sum an seng hnem thei lo bawk a, English league angin hlut a hlawh zo lo.

Chutih laiin Bundesliga-ah fan an thu em em a, European league lian zinga inkhel en man tlawmna ber niin, chawhrualin euro 20.79 inkhel a en theih a, Premier League-ah chuan a let hnih sen a ngai. Bundesliga-in football league zinga a hmuna entu tam ber nihna season kua a zawnin an hauh tawh a, inkhel apiang mipui

42,000 velin en ziah ang an nih laiin, entu tam ber dawttu Premier League-ah 36,000 vel an ni.

Premier League club-ten an sum hmuh 62% vel player hlawhah an seng ral laiin Bundesliga-ah hlawh atan 50% aia tlem an hmang. UEFA chuan season thar atang hian Financial Fair Play a kalpui tan dawn a, season hnih chhung club sum hloote hriathiamna thui tak neiin 2014 atang chuan fir takin a kalpui ang a, season khat chhunga mahni sum lak luu aia hmang tamten European club inelna an hmachhawn thei dawn lo.

English league-ah eng hnam pawh ni se mi hausain an duh phawt chuan club an lei thei a, hei hian an leibat tipungin man to tak takin player an lei bakah hlawh tam tak tak an pe a, ram dang atangin an chaw lut nasa bawk. League boruak lian chak hle mah se, leibat a pun nasat mai bakah England national team-in a tuar phah hle niin an ngai a, 1996 hnua atangin international tournament-ah an thleng sang ngai tawh lo.

Germany-ah chuan member (fan)-ten club-ah neitu nihna tam ber an neih ngei ngei a ngai a, dan khirh tak an nei. 50+1 model tiin an sawi a, club member-ten 51% neitu nihna an nei tur a ni a, chuti a nih chuan mi dangin 49% aia tam neitu nihna an nei thei lo. Hei hian uchuak taka sum hman a, 'risk' lak vak vak a veng. Chubakah club leibat ngah leh sum dinhmun him lote chu top flight khel thei lo hialin an hrem thei a, club-in an neih bak sum an hmang ve chiam chiam lo.

Dan khirh tak an neih avangin tualchhung player an chhawr nasa a, Germany hian player langsar nei tam lo mah se international tournament-ah tlang rin aiin an che tha ziah a, chumi piah lamah an league-ah player tha tam lo mah se mipuiin an hlut em em. Fan-te an ngai pawimawh em em bawk a, training-na hmun thlengin an tel ve an phalsak vek. Inkhel entu an nei tlem ngai lo va, khelmual an nei thain a lian em em deuh vek bawk a, fan-te zalenna leh nuam an tihna ber league niin an sawi.

NGENNA:RSBY CHUNGCHANG

"Dam loh nikhuua man chawi lova Damdawiin a inenkawl theih nan RSBY (BPL bik tan) ah in ziak lut ve ta che. Inziahluh hun hi Health Worker ten an rawn hriattir ang che, chhungkaw kima inziaklut turin i lo in ring dawn nia. Hemirual hian APL chhungkaw tan pawh Mizoram Health Care Scheme-ah inziahluh nghal theih a ni bawk."

VANAPA

Thawhleh Zan khan Section chhungah hruaitute Hmunphiah zawrh hnatlang neih ani a, Hmunphiah 40 chuang an hrall a man man taka lo leisak tu zawng zawng te hnenah Section in lawmthu a sawi a, Hmunphiah petu Pu TC Lalhmangaiha hnen ah lawmthu an sawi.

Vawiin tlai dar 3:00 ah hian Section Wise Football khelh tum zawng zawng te chu Leader Pu VL Thakima inah inhmuh khawm tur a ni a, chin hriat loh a kall lo te chu drop an nih pawh in an sawisel thei lo ang.

Pi Lalrinchhani (RCI) w/o C.Vanlalsanga damlo damdawiin a awm a rawn chhuak leh ta.Pi Lalchangliani w/o Pu Lalramzauva Ke tliak Durtlang Damdawiin ah zai niin, Pu C.Lalremruata s/o C.Rozama (L) inentir in Guwahati lamah an thang mek bawk.

Hruaitu leh Member te Branch leh Section hnatlang leh activities ah tan la lehzual sauh sauh turin an in chah.

Section Chhunga Chhiatni Thatni a hman tur Tawlailir (Thela) siam tur a hmalak mek ani a, a ke tur Silchar lamah chah mek a ni.

An hruaitu Pu Gordon Zosangliana Champhai lamah a zin mek.

Hun remchang hmasa ah Committee neih tum a ni a, hruaitute hunawl lo insiam turin an in ngen.

KHUANGCHERA

Ni 15.8.2011 (Thawtanni) khan hruaitu mi 19 hnatlangin Bungraw enfel leh tihfai hna an thawk a, tlaia chawhlui buatsaihsak tute Pu Lalchhanhima (Puia), Pu H.Laltanpuia, Pu Zonunsanga leh Tv.Ramtea te chungah lawmthu an sawi.

Section Dekchi-3 leh Ketli - 1 a awmna chin hriat loh a ni a, a lo kawl emaw a awmna hria chuan hruaitute hnenah emaw bungraw enkawltu Pu Lalliansanga hnenah emaw hriattir nise a lawmawm hle ang.

Section thutthleng chu rawng kahthat a ni a, a hmangtuten dimdawisak turin an chah a, ruah nantir loh hram pawh an beisei. Rawng kahna khawl hmantirtu Pu K.Lalengmawia leh Pu Lalrinmuante chungah an lawm hle.

Branch YMA thuchhuak angin chhungkaw tinah Zawlbul sakna tur sum an dil chu nu leh paten tlawmngaia

(K-Section Report chhunzawma)

pe hram hram turin an ngen a. A khawntute pawhin taima taka khawn turin an in chah.

Tv.Thangkhuma chuan All India Radio Aizawl a thusawi hlawh Rs 2,000/- chu Section sum atan a chhungleuta, hruaituten lawmthu an sawi mawlh mawlh.

Section intihhlimna Items hrang hrang neih tur atana champion vek turin an inbuatsah mek a, Incharge hrang hrang ten player list aranglama Secretary hnena thehlut thuai turin an in ngen nawn.

Sumtuakna pawimawh tak Bill pek chu a khawntute siamrem a ni. Bial 1-na ah Ni.Lalmuanpuii leh Bial 2-na ah Pu R.Lalthanpuia.

Ni 15.8.2011 zing khan Faina Hnatlang an nei a, member 100 chuang an thawkchhuak . Pu Ramfangzauva'n motor (407) a thawhchhuahpui chu an lawmin mi inphal hruaitu an nei chu an lawm hle a ni.

TAITESENA

Ni 13.8.2011(Inrinni) nileng khan Section hnatlang neih a ni a, he hnatlang ah hian thutthleng tur duan hnatlang neih a ni. Member hnatlang zawng zawng chungah lawmthu an sawi.

Kar kalta Nilai zan khan YMA Sport neih tura items hrang hranga tel turte thlanna Indoor Stadium ah neih a ni a, heng thlanchhuah te hi thahnemngai taka practice thueh turin an in ngen.

Football Team A tur te hi naktuk Thawhtan zing atang hian High Field-ah practice tum theuh turin an in ngen.

Section chhunga Zawlbul Fund thawh tur chhungtina Section Committee in a rawn tuk te tlawmngaihchhuah a lo pe theuh turin an in ngen. Zawlbul Fund hi tun August thla atanga October thleng a pektlak tura ruahman a ni.

Bungraw chhinchhiah nana khawl hmantirtu Pu Zothanpuia leh Silpauline 2 lai mai min petu Pu A Biaklawma chungah lawmthu an sawi takzet.

NEUVA

An Member Tv. Lalhmachhuana ni 13.Aug.2011 zinga Zunthlum natna avanga boral chu an ui hle.

(N-Section Report chhunzawma)

Lalrokima s/o Lalrinliana Pautu (L) mitliam avanga Civil-Hospitala enkawl mek chu a dam leh thuai an duh.

An hruaitu hlui leh an member tangkai tak Tv. Lalnunpuia (Lante-a) 3rd. IR. Battalion-a hna hmu thar chu an lawmpui hle a. Thawhtan ni 22 Aug. a Assam (Mangaldai)a a awm bosan tur erawh chu an ui hle.

Nimin zing khan Pu Thangkhuma te Vawk sera Section sumtuakna neih a ni a,inhlawhna siam saktu Pu Thangkhuma te chhungkaw chungah lawmthu an sawi tak meuh meuh.

An Asst. Leader Pu Lalliansangpuia leh an hruaitu Pu. Henry. Lalremruatpuia, Ni.Lalthachhungi te Salvation Army Camp-a lutin Thlarau Thianghlim pawlha thar an chang chu an lawmpui hle. Camping hi chhunzawm leh tur a nih avangin Turning Point-a Ball pet leh Ball beng thin te insum hram hram turin an innge.

Section Foot-ball leina atana Rs. 500/- petu Pu. Lalrenmruata (Christy Drug Store) chungah lawmthu an sawi.

Branch Sport 2011 neih tura Foot-ball Team enkawl turin Pu. H. Lalnunhlima (Sena) Coach. Asst. Coach Tv Lalrohluna leh Tv R. Lalbiakkima Manager Pu. Lalliansangpuia. Asst Manager. Tv. Lalnunzawma te ruat an ni.

Mitthi Sign-Board leh Khuang Section-in a neih mek hi a hman tlak meuh tawh lova,Section tana pe duh tan a pek theih reng e.

Karleh chho khian Hruaitu ten YMA Zawlbul Fund an rawn khawn dawn a, chhung tin te lo in ring lawk turinan in ngen a. (Aug-Oct) thla chhunga Target hi pek tlak hram tur a ni.

Pu. TC. Lalhmangaihan hmunphiah a pek chu Hruaitu ten Pahnih Rs. 50/- aia tlem lovin an in khul tir a, aman hi Secretary hnenah pek tur a ni.

Turning Point-ah lirthei zanriaka dah an awm leh tan tawh a, Local Council leh YMA in lirthei hi dah phal loh a ni tih an in hriattir.

(Section Report phek 3-na ah chhunzawm a ni)**ZCC NEWS**

Vawiin chhun dar 12:00 hian Pi Rohlui te in K Section-ah hruaitute kalkhawm vek tur a ni e.

An member Ni. Kitty -i damlo chu dam thuai turin duhsakna an hlan.

**BRANCH YMA SPORT 2011
(Hriattur pawimawh)**

Organising Committee, Chanmari West Sport 2011 chuan heng a hnuia mi ang hian Sport kan neih tur atana hriattur tul a rel a, Section tin ten ngai pawimawha zawm theuh tum tur a ni.

1.Ground Chungchang :- Chanmari West Br.YMA Sport 2011 hi Joint YMA Field Vaivakawn, Chanmari 'W' Indoor Stadium leh Chanmari 'W' Basketball Court ah neih tur a ni.

2.Items turte :-

1. Football (M&W)
2. Volleyball (M&W)
3. Basketball (M)

1) Football :-

(a) Joint YMA Field, Vaivakawnah Ni 17.9.2011 (Inrinni) leh Ni 24.9.2011 (Inrinni) ah khelh tur a ni ang.

(b) Mipa team ah hian Section tinin Team A leh B neih tur a ni a, Team A leh B hi a hran ve ve a khelh a ni ang. Hmeichhia hi section tinin Team 1 neih tur a ni.

(c) Team khat ah hian mi 16 awmin Substitution 5 thleng siam theih a ni ang a, team A leh B ah hian khelh kawp theih a ni lo.

(d) Match hunchhung hi Mipa bikah 30+5+30 a ni ang a, hun panngai a inhnehtawk an awm chuan Tie-Break a chak zawk zawn tur a ni ang. Final ah hian 40+10+40 a khelh tur a ni ang. Hmeichhia ah hian 15+5+15 a ni ang a, inhnehtawk an awmin Tie-Break a chak zawk zawn tur a ni bawk ang. (e) Section tinin Ball 1 theuh ken tur a ni ang.

2) Volleyball :-

(a) Section tinin Mipa leh hmeichhia Team 1 ve ve neih tur a ni ang.

(b) Volleyball hi Indoor Stadium ah Zan Dar 8 atangin khelh thin a ni ang.

3) **Basketball :-** Section tinin Mipa Team 1 neih tur a ni a, Chanmari West Basketball Court ah Zingkarah khelh thin a ni ang.

3. Incharge :- Sports 2011 neih tur ah hian a hnuia mi ang hian incharge ruat nghan a ni.

1) Football :- Pu Zonunsanga (Patea) 'K' & Tv. R.Lalringeta 'V'

2) Volleyball :- Pu R.Lalsangzuala 'T' & Tv.Zairemmawia 'N'

3) Basketball :- Pu R.Lalbiakhluna 'CH' & Nl.Lalramengi 'N'

*Section tinin Entry Fee '500
leh Items hrang hrang Team list
(Hming leh Pa hming) August Ni 31
ral hmain Organising Secretary
hnenah thehluh vek tur a ni.*

CHAWNGBAWLA

Ni 14.8.2011 (Pathianni) tlai dar 3:00 a an Section hruaitu Pu J. Lalnangiana u Pu J. Lalngaizuala chuan a boralsan tak avangin ralna hun an hmang.

Ni 15.8.2011(Thawhtanni) khan an Leader Pu K.Lalthakima Workshop-ah hmunphiah siamin hnatiang an nei.

Section Budget Rs. 4,200/- chu Rs. 300/- a khumin an tlak.

Thla leh a neih tur Section hrang hrangte Football, Volleyball leh Basketball-a inelna neih turah Champion ngei turin hma an la mek a, member-te lo in la fit turin an in hriattir.

An hruaitu Pu C. Lalmuanpua leh Pu J.Lalnangiana ten fapa duhawm tak an nei chu an lawmpui hle

LOST AND FOUND

Ni 13.8.2011 khan Chanmari West Presbyterian Biak In leh UPA Tuikhur Vanapa Section inkarah Rangkachak Thi tih bo a ni a, lo chhar in awm chuan khawngaih taka min pe leh turein ka ngen a che u.

Ph : 9862538862

LEHKHA KAWNG BO

C. Lalengkima S/o C. Laldawngiana, Chanmari West, C/o Rochungnunga A-32 National Institute of Open Schooling atangin certificate YMAAW Editor hnenah lam tur a awm e, a rang lamin i rawn lam dawn nia.

AVIANCE & AYUSH

Direct Selling a tui mite tan Aviance & Ayush ah, August thla chhung atan member fee an rawn discount e. INDIA in a ram sik leh sa mil tura vun tana tha tura a siam hi kan lo ngeih ber....A product a tlawm a hrakh a nuam bawk. Member kan la tlem a, member ni hmasa rawn ni rawh le..

Hrechiang duh tan :-
8794026603

**HETAH HIAN SMS LA
>>9774170328<<**

Br.YMA in member pum huap Sport a buatsaih turah hian section feeling na taka la lo hram tur leh intihhlimna a nih ang taka memberte hmang theuh turin ka ngen e.

961201_22

VC inthlan kan hnaih leh tawh a, political party ten YMA te min rawn hnar leh dawn a, tha tak takin tawktarh pawh thiam takin an rawn siam leh ang . Chutih hunah chuan kan Br.YMA hmingtha sa hi a chhiat loh nan firikhuva va tul em, an thangkamah hian awh loh i tum hram ang u.

897480_93

Damdiai Sarep zawrhna bul step-a rawlthar zu in thin te hi an khamawm tawh hle mai, khawtlang an zah silova hruaitute hian hma la se a va tha ve.

908960_26

Zuang tuikhur chhaka awm zu rui thin kha chhungkuah leh midang tan i khamawm tawh tlat. Hruaituten hma la hram teh u

961231_9

**(SMS kan dawn te hi Ed. Bd
ngaihdan a ni vek kher lo)**

**CHHIATTAWH
CHUNGCHANGA
LAWMTHUSAWINA**

Ni 12.8.2011, Dar 2:40a.m a kan fanu Chawngthangpuii, Civil Hospital Aizawl-a a boral chungchangah Chanmari West Br. YMA leh khawtlang mipui, nu leh pate kan fanu thla 5 mi chauh ni mahse mi pangngai boral ang mai a min bawisawma, kuang mawi tak min siamsaka min buaipui kha in hnenah lawmthu kan sawi mawlh mawlh a ni.

In hmangaihna leh inpekna zawng zawngte kha Pathianin a let tam takin a rul ang che u tih hi kan tawngtaina a ni.

In khawngaihna dawngtu,
C.Lalbiakthanga te nupa
Pawlrang, Venglai.

TRAINING DUH TAN

Kum 2011 a 2nd Session Aizawl City Project S.J.S.R.Y hnuua Training chu 1.9.2011 atanga tan tur a ni.

Heng trade hrang hrangte hi a ni e:-

Sl. No	Trade Hming	No.	Training chhung
1.	Tailoring	5	6 Months
2.	Handloom	4	6 Months
3.	Mobile Repairing	1	3 Months
4.	Computer Hardware Course	1	3 Months

Training dil tu turte chuan Ni 21.8.2011(Pathianni) tlai ah Secretary Pu R. Zoliana BPL pawl inah kal tur a ni e.